



København, Aarhus aamma Barcelona, ull. 31. juli 2021

Uranimik misissueqqaarnermut, ujaasinermit piiaanermullu inerteqquteqarnissaq pillugu Inatsisartut inatsisaannut siunnersuut pillugu NOAH Friends of the Earth Denmarkimit, VedvarendeEnergi'mit aamma Grup de Científics i Tècnics per un Futur No Nuclear / Group of Scientists and Engineers for a Non-Nuclear Future'mit tusarniaanermut akissut

Siullertut kikkunnut tamanut ammasumik tusarniaanermik ingerlassaqarnermut peqataanissamut periarfissamut matumunnga Aatsitassanut Naalackersuisoqarfimmut NOAH Friends of the Earth Denmark, VedvarendeEnergi aamma Grup de Científics i Tècnics per un Futur No Nuclear / Group of Scientists and Engineers for a Non-Nuclear Future qutsaviginnikkusupput, aammalu Kalaallit Nunaannut aamma Naalagaaffeqatigiinnermut kingullertut taaneqartut attaveqanngikkaluartut tusarniaanermut akissummik matuminnga saqqummiussaqaarniarput. Taamatut pisortat, NGO-t, aamma Kalaallit Nunaata aamma Naalagaaffeqatigiiffiup avataaniittutut inuit ataasiakkaat periarfissamik pissarsisimanerat paasivarput, naalagaaffiullu ammasuuneranik, aamma kikkunnik tamanik ilanngussinissap siuarsarnissaanut piumassuseqarneranik nersualaariniarpugut.

Avatangiisit pillugit kattuffittut silaannartaq, silap pissusia, silaannaq, imeq aamma naasut uumasullu piujuartitsinissamik ineriartortitsinissaq pillugu tunngavigisaq aallaavigalugu maannakkut siunissamilu kinguaariit sinnerlugit naalagaaffiit aqutarisaattut nunarsuarmi ataatsimoorfigisaattut takorluugaqarneq tapersorsorparput. Naalagaaffigisap namminersortuunerani, imaluunniit inuit piginnittuusinnaatitaaffigisaanni avatangiisit annertuumik aamma iluarseqqissinnaanngisamik ajoqusiinissaannik kikkunnulluunniit pisinnaatitsinngillat. Taamaattumik sumiiffigisami pisoqarfigisaani sumiiffimmi avatangiisinik ajoqusiinngitsumik, aammali – atomip nukingata ikummatigisatut uiguleriaarfigisaata annertussusaata malitsigisaanik – nunarsuarmi inissisimaffiusumi ilungersunartunik killup tungaanut peqqissutsikkut aamma avatangiisini kingunerisaqartitsisunik suliarisanik, soorlu uranimik aatsitassarsiornernik,

oqaaseqaateqarnissamut kikkut tamarmik pisinnaatitaaffeqarnissaat isumaqatigaarput.

Aappaattut uranimik attueqqusinnngilluinnarnissap eqquteqqinnissaa pillugu naalackersuisut naalackersuisooqatigiinnissamik isumaqatigiissutaani neriorsuutigisamik piaartumik piviusunngortitsinerannik Aatsitassanut Naalackersuisoqarfik aamma naalackersuisuusut pilluaqqorusuppagut. Inatsisissatut siunnersuummi nassuiarneqartutut aatsitassarsiornermik suliarisanut atatillugu uranip pingaarnertut imaluunniit saniatigoorisatut tunisassiarinera apeqqutaatinnagu uranimut tunngatillugu suliaassap piareersarnissaa, ujarneqarnissaa piiarnissaalu tamatuma pinaveersissavai. Tamatuma uranimik aamma aatsitassanik qaqutigootunik Kuannersuarni aatsitassarsiornermik suliniutip ingerlateqqinnissaa pisinnaajunnaartivissavaa. Tamatumalu malitsigisaanik inatsisissatut siunnersuut akuerineqariarpat kinguneqartitsilluni Aatsitassanut Naalackersuisoqarfiup Kuannersuarni suliniut unitsissagaa, aammalu pisortani suliaqarnerup sivitsorsarneqassannginera isumagissagaa siunnersuutigaarput.

Aamma akuersissutaat utertinneqassappata imaluunniit killilernerqassappata akuersissutinik piginnittunut taarsiissuteqartarnej pillugu inatsisissatut siunnersuummi aalajangersakkanik aalajangersaasoqarsimannginera, ilanngullugulu akuersissutinut annaasanut imaluunniit killilersugaasunut akuersissutinik piginnittunut inatsisissatut siunnersuummi aalajangersakkat taarsiisoqarnissamik akuersissuteqartuunnginneranik aalajangiisoqarnera nuannaarutigaarput.

Tamatigoortutut inatsisissatut siunnersuut tapersorsoraluarlutigu, aammalu innuttaasut peqqissusaannut, aamma Kalaallit Nunaanni avatangiisimik illersuineranut annertuumik ilorraallu tungaanut inissimasuussagaluartoq, aammalu taakkunanerpiaq tunngaveqartumik piffissamut ungasinnerusumut Kalaallit Nunaanni aningaasaqarnermut iluaqutaassagaluartoq aalajangersakkat ilaasa isumarput malillugu erseqqinnerusumik itisilernerqarsinnaanerit, pisullu ilaanni pitsanngorsarsinnaanerit taakkartussallutigut kissaatigaarput.

Inatsisissatut siunnersuummut atatillugu aalajangersakkat taakku tassaapput:

(i) Aatsitassanut ikummatissanullu inatsimmi aalajangersakkat najoqqutaralugit piiaanissamut akuersissut pillugu qinnuteqaat uranimik saniatigoorisatut tunisassiaralugu isumaliutigisatut isumaginninnissaq avatangiisinut tunngasutut illersorneqarsinnaasumik ilusilimmik pisinnaanngippat itigartitsissutaanissaa NOAH-p, VedvarendeEnergi'p aamma Grup de Cientifics i Tècnics per un Futur No Nuclear'ip iluarisimaarpat. Tamanna aamma inatsisissatut siunnersuummi § 1-imi annertunerpaasussatut killingisaasumut uraneqassuseq naapertuukkaluartoq atuuppoq, takukkit § 1, imm. 2-mut nassuiaassutitut oqaaseqaatit tamakku. Taamaattorli § 1, imm. 2-mi uraneqassutsip 100 ppm-inik killeqarnissaanut siunnersuutaasoq taamaallaat ilaannakortumik peqqissutsimut avatangiisinullu sianiginninnermik tunngavigiligaanera ajornartorsiutaavoq. Pingaarnertut siunertaq tassaassagunarpoq manna tikillugu killup tungaanut kikkunnit tamanit sianigineqarnermik pinngitsuuisimasutut aatsitassarsiornikkut suliniutit angisuut 90-ingajaat, assigiinnigitsunik ineriartortitaaffinni pisoqarfinnittut sapinngisamik annikinnerpaamik killilersimaarniarnissaat.

Isumarput malillugu uranip avatangiisitut pinngortitamut toqunartuliisartutut piginnaasai pissutigalugit siunnersuutigisatut 100 ppm-imik uraneqassutsimut killissarisaa qaffasippallaarpoq, aamma uranip arrorsinnaassusaani assigiinngissutsit, aatsitassarsiorfimmilu akoorutissat ajoqusiisinnaasut radioaktiviisut allat pissutigalugit. Ukiut tusintilikkaat ingerlaneranni ujaqqanit searnarutumit (syremit) kuutsitsinermit aatsitassarsiorfimmit eqqakkat syremik pinngortitsisut patsisaasinnaapput. Ingammik syremik allatulluunniit aatsitassarsiorfimmit kuutsitsinermit atatillugu uraneqassutsimik imaluunniit thoriimeqassutsimik sutigulluunniit inissisimaffiusut avatangiisinut navianartuupput. Tamakku malitsigisaattut aatsitassarsiorfiup matunerata kingornatigut piffissami sivisuumi akuutissat radioaktiviisut tamakku sakkortuunik avatangiisinik pitsaassuseqarnissamut najoqqutassaasunut malittarisaaqartittariaarput. Imermi imigassami urani qinngornerit ulorianartut aqutugalugit toqunartuuvoq, allaallumi akuutissatigut inunnut toqunartuunerulluni, ingammilli annikitsuaqqatut eqimattuusuni imermi uumasunut uumassusilinnullu allanut toqunartuuvoq¹. Taamaattumik kuutsitsisoqarneq pissutigalugu aatsitassanut ujaqqanullu eqqagaasunut suussutsinut ilaasunut tamanut uraneqassuseq nalilersorneqartariaarpoq.

Isumarput malillugu pinngoqqaatit radioaktiviisut allat, soorlu thoriimi, uranitulli akoorutimigut avatangiisinut tunngasutut toqunartortaarpoq, taamaattumillu annertuumik qinngornertigut navianartutigut aarleqqutitaarpoq, aammali uranip saniatigut atomip nukingini piginnaasallit, soorlu polonium-210 aamma bly-210² namminneq immikkut killingisassaminnik peqartariaqanngillat. Paarlattuanik taakku ppm-ii kattuttariaarput, aammalu qinngornernut navianartunut radioaktiviisunut immikkoortutut Bq/kg-tut nassuiarneqartunut annertunerpaaffittut killingisap assinganut inissinneqartariaarlutik. Akuutissat radioaktiviisut imaluunniit akuutissat toqunartortaartut allat isumannaassusilinnik imaqartoqannginnerat isigalugit *akuersissutigisatut annertunerpaaffittut killingisassatut uranimut thoriumimullu tamakkiisumik 50 ppm-imik annertussusiliisoqartariaarpoq.*

¹ Imermi imigassami literikkaami 100 mikrogramitut eqimattoqarfinni urani inunnut qinngornertigut navianartutigut toqunartortaarpoq. Inunnut akoorutitigut toqunartortaarnera literikkaani 15 mikrogramitut eqimattuniissinnaavoq. Assersuutigalugu imermi tarajoqanngitsumi uumassusilinnut avatangiisinut tunngasutut toqunartoqassuseq literikkaani 0,5 mikrogramit missaanni, imaluunniit annikinnerusuni killeqarpoq, takuuk uani siulittuutigisatut eqimattuussuseq sunniteqanngitsoq (PNEC) European Commission'imi, Scientific Committee on Health and Environmental Risks, Preliminary opinion on the environmental and health risks posed by depleted uranium, 2009, q. 16: [Microsoft Word - scher_o_119.doc \(europa.eu\)](#)

Ujaasinnermut atatillugu qillerinikkut qaqitat uranium thoriumimullu tunngatillugit sukumiisumik akuutissartaasigut misissoqqissaartariaqarput. Tamanna aamma aatsitassanut oqimaatsunut allanut inassutigisariaqarpoq. Ujaasinnermit eqqakkat manngertut imerpalasullu gamma- aamma betamik qinngornertaqarnersut misissorlugit scannertariaqarput. Uttortaanerit misissuisartunit kiffaangissusilinnit isumagineqartariaqarput, aammalu sapinngisamik piaarnerpaamik (soorlu internettikkut) tamanut saqqummiuttariaqarlutik, taamaalillutik sumiiffigisani inuiaqatigiinnit pissarsiarineqarsinnaalersillugit. Ujaasineq pereersimasoq misissorneqartariaqartunik eqqakkanik navianartunik aamma radioaktiviisunik pilersuisinnaasimasoq oqaatigineqassaaq.

Uranium ajornartorsiummik inatsisilersuinissamut periuseq alla tassaasinnaavoq Finlandimi pisuni aalajangersimasuni ukiumoortumik uranium katersorneqarsimasutut annertussutsimut tamakkiisumut akuerisaasumut 10 tonsinik killilersuutip eqqunneqarnissaa, aammalu aatsitassarsiorluni suliniutinut tamanut ppm-imut annertunerpaaffissatut killingisaq aamma 10 tonsinik killilersuutigisaaq aqutugalugit mianersuussinissamik tunngavigisatut atugaqartarnissaaq. Uranip 10 tonsiusup uranium 100 ppm-imik imaqtartumik aatsitassat (aamma/imaluunniit ujaqqat eqqagassat) 100.000 tonsit assigai.

Eqikkarlugu uranium thoriumimullu annertunerpaaffissatut 50 ppm-imik killissarisap naalakkersuisut akuersissutigisagaat, aammalu peqqissutsimut tunngasutut aamma avatangiisinut tunngasutut pissuseqartumik tamatumunnga pisariaqartitsinermik ilisimatusarneq tapersuisissappat allaffissornikkut suli annertunerusumik appartinnissaanut imminut pisussaaffilernissaa inassutigaarput. Taamaalisukkut uranium annertunerpaamik 10 tonsinik najoqqutassiamik Aatsitassanut Naalakkersuisoqarfik atuisariaqarpoq. Piiannissamut akuersissutaareersunut najoqqutassat taakku tamarmik kinguneqartinneqartariaqarput. Tamakku saniatigut ujaasilluni piiakkat aamma aatsitassarsiorfinnit eqqakkat taakku akuutissanik radioaktiviisunik imaqtarnerinut atatillugit sukumiisumik misissoqqissaartariaqarput, aammalu Aarhusimi isumaqatigiisummi aalajangersakkat najoqqutaralugit imarisaasa nassuiarneri kikkunnit tamanit pissarsiarineqarsinnaasunngortittariaqarlutik (takuuk ataani immikkoortoq ii).

Taamaattorli aatsitassanut inatsisaasunut tamatigoortumik malittarinnilluni pinngippat inatsisissatut siunnersuumut oqaaseqaat sunaluunniit naammaginngilaq. Tamatumunnga nassataritillugit tamatigoortutut oqaaseqaatit tullinnguuttut saqqummiukkusuppagut:

Nunarsuarmit tamarmit, ilanngullugu Kalaallit Nunaannit minguitsitsiniartutut NGO't 140 allat peqatigalugit Kalaallit Nunaanni annertuumik aatsitassarsiornermut kinguartitsisoqassasoq kaammattuutigisimavarput, aammalu taamatut iliuuserisamit isertitanik annaasaqarsinnaanermut Kalaallit Nunaanni naalakkersuisuusut taarsiivigisariaqarnerat tunngavilersorsimallutigu³. Taamaattorli tamanna pitinnagu allannguutinik tullinnguuttunik Kalaallit Nunaanni aatsitassarsiornermut inatsisaasut iluaquteqarsinnaavoq:

² Uranip suussusaannut radioaktiveqassutsimik tunngaveqartutut killeqassuseq, imaluunniit nalilersuinissamut

najoqqutarisaq naleqqunnersoq tunngavilersorneqarsinnaavoq. Nunat tamalaani najoqqutarisaq tassaavoq 1000 Bq/kg, assigalugu (eqqakkanik qingnornertalinnik nalilersuiniarnermut) pinngortitameersutut urani 40 mg / kg, imaluunniit 40 ppm. Polonium-210-mut imaluunniit bly-210-mut, aammalu thoriumip suussusaannut navianartunik qingnornilinnut uumassusilinni annertusiartorsinnaasunut, aammalu ingerlataqarnermit eqqagaasunit arrotinneqarsinnaasunut najoqqutarisaq suli appasinnerusoq naleqqussinnaavoq.

(ii) Kalaallit Nunaat Århusimi isumaqatigiisummik atsiuisimanngilaq, aammalu aatsitassarsiorfittut sumiiffinnut periusissialikkatut avatangiisinik kingunerisassanik Kalaallit Nunaanni avatangiisinut inatsisaasut najoqqutassaliinngillat. Tamatuma nassataraa sumiiffiit ikittuinnaat tunngaviatigut akuersissuteqarfittut sumiiffinnut toqqagarinissaannut ilaatitaannginneri, aammalu sumiiffiit sorliit toqqarneqarsinnaaneri pillugit innuttaasut sioqqutsisumik ilisimatinneqarsinnaannginneri⁴. Naalagaaffiup Århusimi isumaqatigiissut akuersariaqarpaa, taamaalillutik avatangiisinut kingunerisassanik nalilersuinerit kisimik pinnatik, aammali aatsitassarsiornermik suliniutinut angisuunut mikisunullu tamanut toqqammavissaliisut pilersaarutit ingerlanniakkallu periusissialikkatut avatangiisinut tunngatillugu naliliiffigisarnissaat pinngitsuugassaajunnaarlutik⁵.

(iii) Pisortat aamma namminersortut immikkoortoqarfianni ileqqorlunnikkut⁶ iluanaarniarnermut Naalagaaffiit Peqatigiit (FN-ip) isumaqatigiissutaaniittunik najoqqutat, pineqaatit malittarisassiallu Naalakkersuisut atsiorlugillu atuutsilertariaqarpaat, aammalu akuersissutinut ingerlatsinerni uukapaatitsisoqaraniluunniit akornusersuisoqassannginnera qularnaassallugu. Aamma akuersissutinut pisortaqaarfiup aamma aatsitassarsiornermik ingerlatseqatigiiffiit akornanni erseqqarissunik killeqartoqartariaqarpoq. Pisortaqaarfinni inuit atorfeqarsimasut inuussutissarsiorfimmi suliarisaannut, aammalu pisuni, suliassarisaat atuuffinnut tamakkununga, pisortaqaarfinni atorfeqarnermik nalaanni isumagisaannut imaluunniit akisussaaffigisaannut toqqaannartumik attuumassuteqarfigisaanni namminersortutut inuussutissarsiorfimmi atorfininnissamut periarfissaannik naammaginatsumik sivisussusilinnik tulluurtunik killilersuuteqarnerit naleqquttut eqqunnersigut soqutigisaqatigiiffinni aaqqiagiinnginnerit pinngitsoorneqartariaqarput.

Aamma pisinnaatitsissummik piginnittoq Kalaallit Nunaanni pineqaatissiisarnermut inatsimmik unioqqutitsissappat, qinnuteqarnermik ingerlatsisarnernik uukapaatitsiniarsarippat, pisinnaatitaaffiginngisaminik aalajangiisarnernik ingerlattakkanik sunniiniarpat imaluunniit aatsitassarsiornermik suliniutit siuarsarnissaat siunertaralugu kommuninut aamma inatsisartunut qinersinernik akornusersuiniarsarippat misissueqqaarnermut, ujaasinermut piiaanermullu akuersissutit atorunnaartinneqarsinnaasariaqarput. Aamma akuersissutinik piginnittunik isumannaallisarnermi nakkutilliisarneq pinngitsuugassaajunnaartinneqartariaqarpoq. Ilaatigut siusinnerusukkut pineqaatissiissutinik eqqartuussaasimanernik, aammalu suliffinni akuersissummik qinnuteqartuni inunnut pinngitsuugassaannigitsunut pinerluuteqartutut kattuffinnut attaveqarsinnaanernik, Kalaallit Nunaanni avataanilu aatsitassarsiornermik suliniutinut allanut atatillugu ileqquusunik sianiginnittunik nakkutilliisarnernik ingerlattaq eqquttariaqarpoq, taamalu maannakkut akuersissummik qinnuteqarsinnaasagaanni piumasaqaataasumut akuersissutinut akitsuutinut tunngatillugu akiliisinnaassuseq kisiat pinnagu.

³ NGO-mit nalunaarut, Opfordring til de grønlandske og danske regeringer og EU om at beskytte det grønlandske og arktiske miljø (Kalaallit Nunaanni Issittumilu avatangiisinik illersuinissaq pillugu Kalaallit Nunaanni aamma Danmarkimi naalagaaffinnut aamma EU-mut kaammattuutigisaaq), 10/2 2021: [Erklaering om storskala minedrift og olie-og gasudvinding i Groenland 0.pdf \(noah.dk\)](#)

⁴ Annertunerusumik paasissutissat pillugit, takuuk Ellen Margrethe Basse, Juridisk respons om den gældende grønlandske lovgivning vurderet i lyset af Århuskonventionen (Århusimi isumaqatigiissut isigalugu naliliiffigisatut Kalaallit Nunaanni inatsisaasut atuuttut pillugit inatsisilerinikkut isumaliutissiissut), Juridisk Institut, Business and Social Sciences, Aarhus Universitet, juuni 2014: <http://kortlink.dk/naalakkersuisut/pk6q>

⁵ Pisinnaatitaaffiit taakku, Århusimi isumaqatigiissutip qulakkeerfigisai suliassa qarfinnut pingasunut tunngapput: (a) Avatangiisit illersornissaannut pisorta qarfinnit akisussaaffimmik isumaginnittuusumit allaffissorfinni pisortanit aamma namminersortutut i-ngerlatsisunit avatangiisinut paasissutissanut kikkut tamarmik attaveqarsinnaaneratt. (b) Avatangiisinik suliassa qarfinni aalajangiisarnermik ingerlakkattani aalajangersimasuni peqataanissamut kikkut tamarmik pisinnaatitaaffiat. (c) Avatangiisinut apequtaasuni eqqartuussivinnut imaluunniit aqutsinikkut aalajangiisartunut aalajangiussinernik maalaaruteqarsinnaanermut kikkut tamarmik attaveqarsinnaaneratt. Tamanik takusaqarsinnaaneq tassunga atatillugu isumaqarpoq inunnik soqutigisaqatigiinnillu tamanik imatut ilisimatitaanissamik pisinnaatitaaffeqassasooq tamatuminnga aalajangersimasumik suliassa qarfinni atasutut aarleqqutaasooq ilanngullugu nalilersinnaatillugu. Paasissutissat sapinngisamik siamasissutut tamakkiisuussapput, aammalu tamatuma pisinnaanissaanut naammattumik siusissukkut tunniunneqassallutik. Århusimi isumaqatigiissummut linki: [Introduction | UNECE](#)

⁶ United Nation, United Nations Convention Against Corruption, New York, 2004: [UNITED NATIONS CONVENTION AGAINST CORRUPTION \(unodc.org\)](#)

Aammattaaq taarsiissutisiniarlutik akisussaaffilinnut taakkununga inatsisitigut inuttut naatsorsuussanut, imaluunniit inunnut ataasiakkaanut ileqqorlunnikkut iluanaarniarnerup nassatarisaanik annaasaqarsimasunut, ilanngullugit naalagaaffik nammineq, kommunit, aamma sumiiffinni inuiaqatigiit eqqartuussivikkoortitsinissamut pisinnaatitaaffeqarnissaat naalackersuisut isumagisariaqarpaat.

(iv) Ileqqorlunnikkut iluanaarniarnerup akiornissaanut whistlebloweritut illersuineq pisarialittut tunngavigisaasutut isigineqartariaqarpoq, aamma kikkunnut tamanut tamanik paasinninnissamut aamma attuumassutilittut paasissutissanik pissarsinissamut ilaatillugu: Pisortanut attuumassutilinnut tamakkununga annertuunik inatsisinik unioqqutitsinerit pillugit isumaqarluarlutik, aammalu naammaginartumik tunngavissaqarlutik kikkut tamarnik nalunaaruteqartut illersornissaannik siunertaqartunik Naalackersuisut ingerlatsivinnik eqqussisariaqarput.

(v) Angisuunik aatsitassarsiornermik suliniutinut naleqqiullugu sumiiffinni inuiaqatigiit aatsitassarsiornermut akissaajaataannigsumik, sioqqutsisumik aamma ilisimatitsissutaasumik akuersissuteqarnissamut, ilanngullugulu naaggaarnissamut pisinnaatitaaffeqartariaqarput⁷.

(vi) Ujaasinissamut akuersissutinik nalunaaruteqarnerit namminneq pisutut pīaanissamut akuersissutip atuutsilernissaanik nassataqartitsisariaqanngillat. Ujaasinissamut akuersissut sunaluunniit akisussaaffigisamik tigumminninginnissamik nalunaarummik imaqartariaqarpoq, pisortat qanorluunniit patsiseqartumik pīaanissamut akuersissummik tunniussisoqassanngippat taarsiinissamut akisussaaffilerneqassannginnerat taassuma qularnaassallugu. Tamanna aamma pīaanissamut akuersissutinut atuuttariaqarpoq, taakku, tunniunneqarnerisa kingornatigut aatsitassarsiornermik suliniummik ingerlataqarnerup nalaani pinngorsimasunik peqqissutsimut avatangiisinullu tunngasutut ajornartorsiutit nassatarisaattut utertinneqassappata.

(vii) Aatsitassarsiorneq pinngortitamik allanngutsaaliorfiusuni aamma immap naqqani inerteqqutaasariaqarpoq, aammalu Kalaallit Nunaanni UNESCO-p nunarsuarmi kingornussaqarfiisa pingasut qanitaanni aatsitassarsiornermi suliniutinik angisuunik nunarsuarmi kingornussassanut kingunerisassanik nalilersuinerit pinngitsuugassaannigitsutut atugaalersittariaqarput. Nunarsuarmi kingornussassanut isumaqatigiissummi Suliarisartakkanut malittarisassiani tamakkunani § 172 naapertorlugu nalilersuinissamut UNESCO-mut saqqummiunna pitinnagu aatsitassarsiorluni suliniummut taama ittumut pīaanissamut akuersissutip nalunaarutiginissaa pillugu aalajangiussisoqartariaqanngilaq⁸. Nunarsuarmi kingornussassanut tunngatillugu kingunerisinnaasanik nalilersuinerup sumiiffimmi aatsitassarsiornermik suliniutinit allanit tamanit tamakkiisutut sunniutaasoq isumaliutigisariaqarpaa.

Annertunermik paasissutissat pillugit, attavigikkit:

[NOAH Friends of the Earth Denmark](#): Niels Henrik Hooge, oq.: +45 21 83 79 94, e-mail:

nielshenrik@noah.dk Erik Jensen, oq.: +299 27 63 37, e-maili: erikjensen1967@icloud.com
amma

Palle Bendsen, oq.: +45 30 13 76 95, e-maili: pnb@ydun.net

[VedvarendeEnergi](mailto:pedersen@ve.dk): Hans Pedersen, oq.: +45 51 92 24 14, e-maili: pedersen@ve.dk amma Gunnar
Boye Olesen, oq. +45 24 26 99 33, e-maili: gbo@ve.dk

Grup de Científics i Tècnics per un Futur No Nuclear / Group of Scientists and Engineers for a
Non-Nuclear Future: Pep Puig i Boix, e-maili: gctpfnn@energiasostenible.org

Aamma attavigineqarsinnaasoq:

Radioaktivitetimik aatsitassarsionermillu immikkut ilisimasalik: Jari Natunen, Finnish
Association for Nature Conservation, Mining Watch Finlandimut siulittaasoq, immikkut ittunut
siunnersuisartooq, Ph.d., oq.: +358 40 21 00 453, e-maili: jari.natunen@sl.fi

⁷ Tamanna amma assingusutut sammisanut tunngasunik erseqqinnerusumik paasissutissiissutit uaniittut takukkit
Friends of the Earth Europe and others, Driving destructive mining, June 2021: [YLNMEU Page 1.jpg](#)
(friendsoftheearth.eu)

⁸ UNESCO Verdensarvcenter, Operationelle retningslinjer for verdensarvskonventionen (UNESCO Nunarsuarmi
kingornussanik ingerlatsivik, Nunarsuarmi kingornussat pillugit isumaqatigiissutip piviusunngortinnissaanut
suliaqartarnernut malittarisassiat), Paris, januaari 2008: